



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

VII. Christum audiunt & sequuntur turbæ innumeræ.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

Gracis, Christum Dei virtutem & Dei sapientiam: quia quod stultum est Dei, sapientius est hominibus, & quod infirmum est Dei, fortius est hominibus. Videte enim vocationem vestram fratres, quia non multi sapientes secundum carnem, non multi potentes, non multi nobiles: sed quae stulta sunt mundi elegit Deus, ut confundat sapientes, & infirma mundi elegit Deus, ut confundat fortia, & ignobilia mundi, & contemptibilia elegit Deus, & ea, quae non sunt, ut ea quae sunt destrueret: ut non gloriatur omnis caro in conspectu eius. Iac. 2. 5. Audite fratres mei dilectissimi, nonne Deus elegit pauperes in hoc mundo, diuites in fide, & heredes regni Dei, quod repromissum diligentibus se?

CAPVT VII.

Christum audiunt & sequuntur turba innumera.

PROPHETIAE. Psal. 71. 16. Et erit firmamentum in terra, & in summis montium: super extolletur super Libanum fructus eius, & flores bunt de ciuitate sicut faenum terrae. Cant. 1. 2. 3. Fragrantia unguentis optimis. Oleum effusum nominum, ideo adolescentula dilexerunt te. Trabe me post te curremus in odorem unguentorum tuorum. Introduxit me rex in cellaria sua: exultabimus & letabimur in te, memores vberum tuorum super vinum: recti diligunt te. Isai. 2. 2. 3. 4. 5. vt supra fol. 155. Mich. 4. 1. 2. 3. 4. 5. 6. 7. vt fol. 16. 112. 146.

VERITAS. Matth. 4. 25. Et secuta sunt eum turba de Galilea, & Decapoli, & de Ierosolymis, & de Iudaea, & de trans Iordanem. Ibidem, cap.

capit. 5. 1. Videns autem Iesus turbas, ascendit in montem, & cum sedisset, accesserunt ad eum discipuli eius. Capit. 8. 9. Cum autem descendisset de monte, secuta est eum turba multa, ita ut in nauiculam ascendens, sederet, & omnis turba stabat in littore. Marc. 1. 33. Et erat omnis ciuitas congregata ad ianuam. Vers. 36. 37. Et persecutus est eum Simon, & qui cum illo erant. Et cum inuenissent eum dixerunt ei: quia omnes querunt te. Ibidem cap. 3. 7. 8. 9. 10. Iesus autem cum discipulis suis secessit ad mare, & multa turba à Galilæa & Iudæa secuta est eum, & ab Ierosolymis, & ab Idumæa, & trans Iordanem: & qui circa Tyrum & Sidonem, multitudo magna, audientes quæ faciebat, venerunt ad eum. Et dixit discipulis suis, ut nauicula sibi deseruiret propter turbam, ne comprimerent eum: multos enim sanabat, ita ut irruerent in eum, ut illum tangerent quotquot habebant plagas. Cap. 4. 1. Et iterum cœpit docere ad mare; & congregata est ad eum turba multa: ita ut nauim ascendens, sederet in mari, & omnis turba circa mare super terram erat. Luc. 4. 42. 43. Facta autem die egressus, ibat in desertum locum, & turba requirebant eum, & venerunt usq; ad ipsum, & detinebant illum ne discederet ab eis. Quibus ille ait: quia & alijs ciuitatibus oportet me euangelizare regnū Dei: quia ideo missus sum. Ibidem cap. 6. 17. 18. 19. Et descendens cum illis stetit in loco campestri, & turba discipulorū eius, & multitudo copiosa plebis ab omni Iudæa, & Ierosolymis, & maritima, & Tyri, & Sidonis, qui venerāt ut audiret eū, & sanarentur.

sanarentur à languoribus suis. Et qui vexabantur à spiritibus immundis, curabantur. Et omnis turba querebat eum tangere: quia virtus de illo exibat, & sanabat omnes. Capit. 8. 1. 2. 3. 4. Et factum est deinceps, & ipse iter faciebat per ciuitates, & castella, prædicans, & euangelizans regnum Dei, & duodecim cum illo, & mulieres aliquæ, quæ erant curate à spiritibus malignis, & infirmitatibus: Maria quæ vocatur Magdalena, de qua septem demonia exierant, & Ioanna uxor Chusa procuratoris Herodis, & Susanna, & alia multa, quæ ministrabant ei de facultatibus suis. Cùm autem turba plurima conuenerent, & de ciuitatibus properarent ad eum, dixit per similitudinem, &c. Cap. 9. 11. Quod cùm cognouissent turba, secuta sunt illum: & excepit eos, & loquebatur illis de regno Dei, & eos qui cura indigebant, sanabat. Ioan. 3. 26. 27. 28. 29. 30. Et uenerunt ad Ioannem, & dixerunt ei: Rabbi, qui erat tecum trans Iordanem, cui tu testimonium perhibuisti, ecce hic baptizat, & omnes ueniunt ad eum. Respondit Iohannes, & dixit: non potest homo accipere quicquam, nisi fuerit ei datum de celo. Ipsi uos testimonium perhibetis quod dixerim: non sum ego Christus, sed quia missus sum ante illum. Qui habet sponsam sponsus est: amicus autem sponsi, qui stat, & audit eum, gaudio gaudet propter uocem sponsi. Hoc ergo gaudium meum impletum est: illum autem oportet crescere me autem minui. Ibidem cap. 6. 1. 2. Post hæc abiit Iesus trans mare Galilee, quod est Tyberiadis, & sequebatur eum multitudo magna, quia uidebant

fig

signa, quae faciebat super his, qui infirmabantur. Capit. 7. 41. Alij dicebant, hic est Christus. Quisdam autem dicebant, nunquid à Galilea venit Christus. Vers. 49. Sed turba hac, quae non nouit legem, maledicti sunt. Capit. 8. 1. 2. Iesus autem perrexit in montem Oliueti, & diluculo iterum venit in templum, & omnis populus venit ad eum, & sedens docebat eos. Capit. 10. 40. 41. 42. Et abiit iterum trans Iordanem, in eum locum, ubi erat Ioannes baptizans primum: & mansit illic, & multi uenerunt ad eum & dicebant: quia Ioannes quidem signum fecit nullum. Omnia autem quae dixit Ioannes de hoc, uera erant, & multi crediderunt in eum. Capit. 12. 9. Cognouit ergo turba multa ex Iudeis, quia illic est, & uenerunt non propter Iesum tantum, sed ut Lazari uiderent, quem suscitauit à mortuis. Vers. 12. 13. In crastina autem turba multa quae uenerat ad diem festum, cum audissent, quia uenit Iesus Ierosolymam: acceperunt ramos palmarum, & processerunt obuiam ei, & clamabant Hosanna, benedictus, qui uenit in nomine Domini, rex Israël.

CAPVT VIII.

Christus cum hominibus benignè & suauiter conuersatur.

FIGURAE. In Moyse mitissimo. Num. 12. 3. Erat enim Moyses uir mitissimus super omnes homines qui morabantur in terra. In Dauide 2. Reg. 16. 10. 11. Et ait rex, quid mihi & uobis est filij Saruia? dimittite eum (Semei scilicet) ut maledicat